

يىل : ۱ صاى ۵

يىللىقى

عثمانلى مملەكتى ايچىن ۱۲ غروش
روسىيە و عجمستان ايچىن ۲ روبلە
باشقا مملەكتلر ايچىن ۵ فرانك

صايدىسى ۱۰ پارا

تۈرك سوزى

خلقه دوغرو كىتمەك ، خلق ايچون چاليشمق . . .

هفتەدە بىر « تۈرك يۈردى » طرفندە يېقىاربىلىمىز

مدىرى جلال ساھر

اداره خانه

استانبولده نور عثمانىيە
جاده سنده ۴۰ نومرولى
« تۈرك يۈردى »

پنجشنبه ۸ مايس ۱۳۳۰

بو صايدەكى بازيلىر :

عثمانلىجەدە گىل توركچە ، عمر سيف الدين * شعر : قوشما ، تارخان * تجارتك استقبالى : بقال دكانلىرى ، هابل آدم * ادرنه
اويانيور ، آ . ح * تورك دنيا سنده ، ت . س * تورك كوچنك مسامره سى ، تورك سوزى * مىلى حكاية : تورك چوجوغى ، عمر سيف الدين *

ایشته بویله هر ملت گیبی آدرنه نك چوققلری ده
کندی تورکلکلرینه صاریلیرلر ، استقبال دوشمانلرینه
قارشى گلمگه حاضرلانیرلرسه آدرنه یی برداهاصلیب آلاماز.
شونی ده بیللمی که بروطنی قلعه لر ، استحکاملر محافظه
ایتمز . آنجاق ملی تعصبدر که دوشمانلریمیزی قورقوتور .
اونلری ییلدیریر . جسارتلرینی قیرار .

ای آدرنه نك خالص تورک اوغلی تورک چوققلری !
اویانیگز . چالیشگز ! بابالریگز سزك چوق جسور و قوتلی
ایدیلر . او صحرالرده هر گون جرید اوینارلر ، آت
قوشدوریرلردی . شهره ، اولره یالیز یاتمق اویومق
ایچون گیرلردی . یازین آدرنه نك ایچی قادینلرک ،
دیشی تورک دلیقانلیلرینک ایدی . او وقتلر تورک
دلیقانلیلری قهوه لرده پینه کله مک ده گیل آو و چیفت
آرقاسنده ترلرلردی . او وقتلر دوشمان آدرنه یی آلمق
ده گیل ، حتی طونای گچه مزیدی ... ایشته سز ، ای
گنج آدرنه لیلر ! بویویه جك پایتختك تورک خاقانلغك ،
بوتون دنیاده کی اسلام خلافتك دائمی بکجیلری ،
دائمی مدافعلری اولاجقسکز .

آ . ع

تورک دنیاسنده

با کورده « معارف نسوانه » جمعیتی . — بوگونلرده
باکو و بوتون قافقاسیا تورکلری یقینده اچیلانچق بویوک
برجمیت ایچون حاضرلانیورلر . شیمدی یه قادار یالیز
کندی کندیلرینه بیلگی یه چالیشان باکو خانملری بوکره
برلشهرک علم و معرفت تحصیلدن محروم قالان دیگر
همشیره لرینی ده ایشیقلاندیرمق ایچون « معارف نسوان »
آدلی برجمیت آچمغه قرار ویرمشلردر . بونك ایچون
بر قاق دفعه طولانهرق بو خصوصده مشاوره
ایتمشلر . بونلرک ائک زیاده ایلری سوردیکلری
شی قافقاسیه ده قیزلر ایچون بر مسلمان دارالمعلماتی
آچدیرمق مسئله سی در . موفق اولمالرینی دیلهرز .

فینلانیه با مسلمانلری . — فینلانیدیانك بر چوق
شهرنده اولدینی گیبی کیلسینغفورس شهرنده ده یاشایان

بر چوق شمال تورکلری واردر . بوأهالی اوراده تجارتله
یاشایورلر . جامعلری ، مکتبلری و جمعیت خیریه لری
واردر . « وقت » غزته سنده اوقوندیغنه گوره صوک
زمانلرده جمعیت خیریه لرینک اعضالری طولانمش و جمعیتك
سنه لك حسابی کورمشلردر . هم امام هم خلقه آنادیلی
اولان تورکجه و دین درس لرینی اوگرتمک ایچون موسقوادن
ولی احمد افندی اسمنده گنج بر معلم انتخاب ایتمشلر .
مذکور معلم افندی بوگونلرده فینلانیدیا یه کیده رک ایشه
باشلایه جقدر .

ت . س

هفته لوق مرادئ :

تورک کورمپنك مسامره سی . — بویوک تورک عرقك
گوچجه ، قوتجه باشقه عرقلردن گیری قالمایارق اجدادی گیبی
گوچلی . قوتلی اولدیغنی جهان بیلدیرمک ایچین مملکت مزده قورولان
« تورک گوچی » جمعیتك برنجی مسامره سی گچن بازار گونی
یاپیلدی . او گونی و آقشامی فرح تیاتروسى پك طولو ده گیل
ایدی ایشه ده قیللری تورکلک عشقیله چاربان کیمسه لردن جوغی
اوراده بولنیوردی .

مسامره اولا بحریمه موزیکه سیله باشلادی . موزیکه دن سوگرا
بویوک ملی شاعریمز محمد امین پك طرفندن تورکلگی تقدیر
ایتدیره جك و روحی اوقشایان تأثیرلی شعرلری هرکس طرفندن
چوق آلفیشلاندی . امین پك افندی دن سوگرا گوچك
مؤسسسلرندن قوزیجی اوغلی تحسین پك سوزده باشلادی .
او دییوردی که : « تورک دنیاسی دورت دیره ک اوزره رنده
قورولودر : بیلگی درنگی . تورک یوردی . تورک اوجاغی .
تورک گوچی . » هپسنگ مسلکنى . غایه سنی سوبله دکن سوگرا :
« تورکك گوچی هر شیشه یتر . » دیه اینانیلان بر ایسته ک ایله
ایشه باشلایان تورک گوچنده : بویوک عرقك نه گیبی مظفریتلره
قاووشه جغنی هر کسه مژده لهدی . و نهایت مرکزی استانبولده
اولان تورک گوچك ولایتلرده بکری بش شعبه سی اولدیغنی
سوبله یه رک تورکلر ایچون دماغك صاغلام اولدینی قدر بیلگك ده
اوقدر صاغلام اولماسی لازمکلیگنی بیلدیردی و صحنه دن چکیلدی .
کوججیلرک هنرلری بوندن سوگرا باشلايور . آق ، قیزیل ،
قارا و صاری اوبه لرلی طرفندن بر چوق ژیمناستیک هنرلری
گوسته ریلش گولله جیلر طرفندن سکسان کیلویه قادار آغیر گولله
اویونلری یاپیلمشدر . بونلردن دها اهمیتلی اولهرق کوججیلر
آراسنده گورش ده اولدی . کوججیلر پك چوق آلفیشلاندیلر .
و « تورکك قانی » آدلی اوچ پرده لك ملی بر پیس اوینانهرق
مسامره یه نهایت ویریلدی .